


www.BibleForChildren.org


Matiyu 1




Nosai no mo; Ailisopoi mo amu toufowoi
muwoliwoisomai, nonani amumai Koto mo kumoki
nokotaso imo taikiyoki, Kopoliyoiloso. Na imo taikiyoki,
“Kalili asiso na pamukono, Nasolito nokonuso, maputo
nukonuni auso.” Nonani nukonu mo nokoso isokaikino.
Noko siyolo mo Yusifo, Toiwini alisaitono na. Maputo
nukonu, tani siyolo mo Moili.



Nosai no mo; kumoki nokota mo na isoki, “Moili, noiyo kokolomoi. Kotoyo tomolokimoni, na tofasini. Na pukwai, nono mo muwoliwoi na toloinimo, alu nokokai na kiyoinimo. Tani siyolo Isiso na pa kaluwai. To mo noko siyoli na toloimo. Kota Kotoni awitono kaluwaiyoinomo.”



“Koto Siyoliyo yasoi muwokaiki, noko nokolalo samukuko monoi, tani aniyopatono Toiwi komiyai. Yokoponi alisaitono iyali na samukuko manoimo, aniyopa poi poi. Tani ami mo uwaimowoi muwoi, na samukuko manoimo, aniyopa poi poi.”



Nosai no mo; Moili mo Kotoni kumoki
nokotaso na imoki, “Yoso no molo
fiyamosimomonoimo, woi? Yo mo
nokowoi nukonu muwoi.” Nosai no
mo; kumoki nokota mo na
fowasoki, “Kotoni Mulu
Itouniyaimo Nokotayo
na amukonoimo,
nani auso.”



“Kota Kotonu amiyo na fasiyoinimo.
No monoi no alu na kiyoinimo.
Itouniyaima nokota na toloimo,
Kotonu awitono na kaluwaiyoinomo.”



Nosai no mo; Moili mo puwotososoki, somaiso
manosoki, yu nukutai asiso amusiyoyoki,
Yuto nokoni nokonuso. Amusiyoyoki mo;
nosai no mo Sokolaiyani
nuso lotisoki, Ailisopoiso
na isa tiki, “Woli, nono
kuo.” Ailisopoi mo
Moilini imoso kwaisoki
mo, alufa mo nomoli
poiso naino ikuwa
ilomaniuluki.




Nosai no Kotoni Mulu Itouniyaimo Nokotayo
mulu na amisoki. Siyoliso na isoki, Moiliso,
“Nani siyolo niya tokaluwaiyalonoki, nokolalo
komaso koiso
tosouwaikomomokoni.
Nani alu mani, nomoli
poiso no tanokaino
no, tani siyolo
mani, niya
tokaluwaiyalonoki.”



Moiliyo Isiso Kolaiso ki aino imo mo noino. Moili mo
Yusifoyo kauso monoi yaso
muwosokaikino. Ulai
kalumanisowoi muwai,
muwoliwoisoso na kosokino.
Kotoni Mulu Itouniyaimo
Nokotani amiyo
muwoliwoi na
tolosoki. Muwosokai
nokota, Yusifo, to mo mulu
itouniyaimo nokota. Noko
nokolaloni molo timai mo
auwosi imo isowoi muwai,
na mulumolokoki, “Yo mo
wosu woso na tafolikaiso.”




Mulumoloko manoki mo; na solitonomoki. Solitonosai
Siyoli Nokotani kumoki nokotaso kiki, na imoki, “Yusifo,
Toiwini nakosaitono, nono mo nonani noni,
Moili, kauso monoi mo noiyo niso.
Na pukwaimono. Kotoni Mulu
Itouniyaimo Nokotani amiyo nali no, no
monoi no muwoliwoi na toloso.”



“Nokokai alu na kiyoimo, tani siyolo mo Isiso pako kaluwai. Ulai afonimaiso? To mo noko nokolaloni mulu kopokoiyau saloso uwokoimo, no monoi no samiyaikiyoinomo.”




Nosai no mo; Yusifo mo solitono mo uwai; na auwoniyouki. Siyoli Nokotani kumoki nokota, tani imososo aluwainiyouki, no monoi no Moili mo na kausoki. Ulai kalumanisowoi muwoi, ainoso hani alu kiki. Tani siyolo mo Isiso na kaluwaiki, Yusifoyo mo.



Nosai no mo; Lomo nokota siyoli, Sisi Okasota mo yomukaiki, noko nokolaloni siyolo siyolo i monoi.

Nokoso iko taikiyoki, nonani imo alomano monoi, asi asi komaso asiso.

No monoi no mo, totaini asi




asiso nu liyaiki, noko nokolalo komaso mo. Komano noko iyaliyo toini siyolo siyolo i monoi nu liyaiki.



Yusifo mani, na manoki. To mo Toiwini alisaimi, tani nakosai na. No monoi no Nasolito nokonuso utukaimoki, Kalili asimai.

Yutiya asiso monoi manoki, Toiwini aniyopa nukutai Pitolfimoso.



Moili mo na aluwaiki, toku no muwosokaikino no,
no ikokaikino no. Totini siyolo siyolo i monoi na
manokino. Moili mo
muwoliwoi yaso.



Nosai no mo; nonani asi
mo amai tolo manokino
mo, siso puwo
aumoifaso na potanoki.



Imu alu nokokai na kiki, tunoyo na yalokonoki,
polomokoni sosono pokili poiso na akaiki, ulololi monoi.
Nu nu mo noko saso
ukouniyaikokai, noko molopoi,
no monoi no
polomokoni
nuso na
sisoki.



Nomai no mo, sipo koloni samukuko noko mo nokonu
kwamai siki. Amoloki amoloki samukuko manokino,
totaini sipo koloni mo. Nosai no mo;

Siyoli Nokotani kumoki

nokota mo
toini auso
na amukonoki.



**Saponi siyoli
na fupiniyaimo
kolokoki, Siyoli
Nokotani saponi mo.**



Wiyou, siyoliso na kokolokoki. Na ikoki, “Noiyo
kokolokomoiwu. Na pukwaiwu. Imo itouniyaimo na
toposasoko wiyononinukuwu. Noko
nokolalo kwaiyakinomo,

siyoliso
moloki soimo,
noko nokolalo
komaso mo.”



“Lolaimai mo noni mo alu na ki, Toiwini aniyopa nukutaimai. To mo Kolaiso Siyoli, noko no mo Kotoyo no muwokaiki no, Isolilo noko moi fasikoma tumo monoi.



Ta noinomo
samiyaikiyoinuwomo.”



“Noino na pa kiyanowo. Moi mo alu mo tunoyo
yalokonokai na kiyoinuwomo. Polomokoni sosono pokili
poiso toi.” Kumoki nokota mo aino
na ikoki.



Nosai no mo; kumoki noko iyali mo lolai siyaso na ukouniyaika konoki, sipo koloni samukuko nokoni auso, molopoisu na.

Wolitononi auso



ukouniyaikokuya konokino.



Kotoso kisosomiyalokino, na iyamoki, "Kotoni siyolo na tokaluwaiyalokoni, Kota Kotoni siyolo mo. Asi asi noko nokolalo mo mulu tomokiso soimo, noko



nokolalo Kotoyo no tomolokikalo no." Aino na iyamoki.



Nosai no mo; Kotonu kumoki noko mo kumokiso ifou yoki. Utukaikiyo yokino mo; sipo samukuko noko mo ikuwanokino, “Soiwo, Pitolfimo nokonuso na tonukoni, nonani hani fiyamosi na tokiyanokoni, Koto Siyoliyo no posasoko wiyomoko no.”




Nosai no mo; somaiso na nuki. Yusifo koli ikolikalokino,
Moiliwoi aluwoi. Toti yousiso na koka tikino. Alu mo
polomokoni pokili poiso tanoki. Alu ki uwai; nosai no mo,
alu aino imo na posasokokino, alu monoi aino imo
no kwaikino no, nonani imo na
lukasikokino.




Moiliyo Isono na kiki,
Pitolifimo Yutiya asi
nokonumai. Nomai
no Hilo komano
nokota siyoli toloki.
Alu kiki mo;

amoloku monoi sai sisiyoli noko mo
ulo amiyo asisai na tiki, Yolusolimo
nokonu siyoliso.



Na iyamoki, “Alufa
no no, Yuto noko no
samukukaki no, to
no moiso tanokaino,
woi? Koi mo
amoloku


siyoli wimo toloso kinoki, ulo
amiyo ausaimisai. Na tomolokima
tumonoki.”




Nosai no mo; Hilo mo
amoloku monoi sai sisiyoli
nokoso wosu woso
aliyonikoki, na ikoki,
“Nonani amoloku no
maniwoi wi toloso kinuwo,
woi?” Imokino mo, na iko
taikiyoki, “Pitolifimo
nokonuso na ponuwo,
nonani alufa na pikoliyalowo.”



“Atiyaiyaso pikoliyalowo.
Kiyanakinuwomo, ifou pa
imona tumowo. No monoi
no asa mani,
molokimanoimo.” No mo
topoko imo na, tukolo
monoi louwa yoki.





Komano nokota siyolini imo kwaimo uwai; na nuki, alufa
ikoliyalokino. Nonani amoloku toku ulo amiyosai no
kikino no, toku toku na wiyaloki,
alufa ki nu komu puwomai
tomokimoki, na wi toloki.




Nuso tiki, alufawoi atino Moiliwoiso na koka tikino.
Alokomu losinasikino, alufaso na molokimokino.

Iso ifasikino, tomoki kamo kamo hani
haniwoi, inoso wotiwoi, kou woti
iwowoi ifasikino, alufaso na
kouwokaikino. Nosai no mo;
solitonosai Kotoyo
sosaikoki, ikoki,
“Hiloni au molosai
noiyo nuwoiwo.”
No monoi no molo
siyasai nuki,
totaini
asiso
ifou
nuki.




Nosai no mo; solitonosai Noko
Siyolini kumoki nokotayo
Yusifoso na imoki, “Na pomoi,
alufa noko ti, atinowoi na
pokoliyono, Isipi asiso. Na
pulolowo. Isipimaiso tola
manakinimo, ainoso hani
asayo imoiki, ifou tumo
monoi mo. Hilo mo
alufa mo



tukola tumoimo, no monoi no.”



Nosai no mo; Yusifo mo
amolokiyamai auwoniyou
nikoki, alufawoi atinowoi mo.
Yasoi, Isipi asiso. Nomai no
si manoki si manoki, ainoso
hani Hilo kalo imoso
kwaikino. Aionani
monoi mo Kotoni
pukoso toku kumokaiki,
tani mulu




lukasiko nokotayo.




No mo Koto Siyolini imo na,
totayo toku yomukaiki, noino,
“Yani alu nokokai mo Isipi
asiso no tolanoki no, yo mo
ifou na aliyoniki, ifou
tumumo.” Aino na
kumokaiki, namolisai
mo motuwa na
fiyamosiki, Isipi asiso
sanomai mo.



Hilosu mo mulumolokaloki, na mulumolokoki, “Sai sisiyoli nokoyo ifoluwaimonokino, ulo amiyo asi noko toiyo. Yani auso mo ifou tiwoi muwoi.” Wiyoun, tani uo mo ta topi.





Uo mulu na atolokomoki, Isiso mo na louwa tukoloki. Nokoso na iko taikiyoki, Pitolifimo nokonuso, aumoifaso asisowoi. Na ikoki, “Paumai nokokai alalo lolofa komaso mo na potukuwoliyanowo.”



No mo afonimaiso muwoi. Isiso
mo paumai alu na. Sai sisiyoli
nokoyo yasoi imokino.

Amoloku siyoli lolaloso wimo
tolo imo mo yasoi imokino.






Nosai no mo; Hilo mo kaloki,
yau. Kaloki mo; Siyoli
Nokotani kumoki nokotayo
Yusifoso ima tumoki. Isipi
asimai ima tumoki,
solitonosai, na imoki,
“Na pauwonyou,
alufawoi atinowoi na
pokoliyono, Isolilo
asiso ifou na

ponuwo. Nokoyo alu tukolo
monoi louwa fi yokino
no, toi mo yau yau.”



Ulai nosai no mo; imo siya tumoki,

“Akolaiyayo apitono
Hilo kwalomai monoi
totolokaino, Yutiya asi
nokoni samukuko
nokota



siyoli na.” Nonani
imo tumoki, na kokolomoki,
Yusifo mo. Yutiya asiso mano monoi
mo kokolomoki. Ulai solitonosai Kotoyo ti monoi
na sosaiki, no monoi no Kalili asiso monoi nuki.



Nokonu siyaso na tolanoki, Nasolito nokonuso.


Ainonani monoi mo
Kotoni pukoso toku
kumokaiki, Kotoni mulu
lukasiko nokoyo.



No mo Kotoni imo na,
totayo toku yomukaiki, “Nasolito
nokotasu na kaluwaiyoinomo.” Aino na kumokaiki,
motuwa na fiyamosiki, Nasolito numai mo.



Ulai afonimaiso? Koto mo mulu ukukaiki,
asi asi noko nokolalo monoi. No monoi no
mo totani awitona awitono na imo
taikiyoki, asiso. Noko mo nonani
nokotaso mulumolo luwaiyakimo,
uwokaiwoi muwoi, na
yousi itouniyaimoimo,
aniyopa poi
poi.



Lomo 3:23

Ulai afonimaiso? Noko komaso noko mo molo koiyausoso taluwaiyalo manono. Kotoni auso no moloji yo monoi? Koto mo itouniyaima itouniyaimo nali.

Lomo 6:23

Ulai afonimaiso? Molo koiyau foli mo kolikalikai, yau yau. Ulai Kotosu mo suomoso monoiso na tofasimokomoi. No monoi no na tosi itouniyaimo manokoni, aniyopa poi poi. Moini Isiso Kolaiso Siyoliwoi tosi tomasimokoni, no monoi no tosi itouniyaimo manokoni.

Hipolu 9:27

Noko mani, siyawoiso kolikali manumo. Kolikalimokakimo, molo koiyau foli monoi imokokaiyoimo, Kotoyo.



Ifiso 2:8,9

Koto mo mulumolo luwai noko moisoso fasikinuwo, suomoso monoiso na fasikinuwo, na tosamiyaikiyo sinuwo. Ulai ni no momaiyoso yokinuwo? Wiyouwa wiyou, ni mo Kotoyo na yoki, suomoso monoiso na fasikinuwo. Ni mo moiyo mi ano monoi muwoi, suomoso monoiso fasikomokinuwo, Kotoyosu mo. Ulai nokoyo no tota amu monoi no molo kisosomi monoi?

Lomo 10:9,10

Noino. Noko nokolaloni molo timai iyamakinuwomo, “Isiso mo Siyoli Nokota,” amiso mulumolo luwaiyakinuwomo, na samiyaikiyoinuwomo. Mulumolokakinuwomo, “Kotoyo yausai na lusikaiki,” no monoi no na samiyaikiyo soinuwomo. Ulai afonimaiso? Mulumaiso mulumolo luwaiyakinuwomo, Koto mo imo mo futo, molo koiyau monoi imo mo. Mulu ititouni kaiyoinuwomo. Noko nokolaloni molo timai posasokakinuwomo, na samiyaikiyo soinuwomo.



Iyono 3:16,17

Ulai afonimaiso? Koto mo mulu ukukaiki, asi asi noko nokolalo monoi. No monoi no mo totani awitona awitono na imo taikiyoki, asiso. Noko mo nonani nokotasu mulumolo luwaiyakimo, uwokaiwoi muwoi, na yousi itouniyaimoimo, aniyopa poi poi. Noko nokolaloni molo koyau foli monoi pa imo taikiyokiso. Noko samiyaikiyo monoisu na imo taikiyoki, tani awitonoso. No monoi no.

1 Iyono 5:11-13

Imo no mo Kotoyo no posasokoki no, no mo noino, totayo noinomo aniyopa poi poi si itouniyaimo monoi. Afonimaiso si itouniyaimowoi muwoi. Tani awitono mo ititouni si kiyo nokota na. Nokoyo Kotoni awitonowoi tolo tomasimo somiso mo, aniyopa poi poi pa yousi itouniyaimoiso. Noko mo Kotoni awitonowoi tolo tomasimakimo, na yousi itouniyaimoimo, aniyopa poi poi. Ninani imo mo Kotoni awitonoso mulumolo luwai noko moiso na tokumononinukuwo, no monoi no moi mo sai, moi aniyopa poi poi si itouniyaimo monoi.



Matiyu 1-2; Luko 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Ama Bible (amm) © 2009, Wycliffe Bible Translators, Inc.
All rights reserved.

<https://live.bible.is/bible/AMMWBT/MAT/1>

©2026 Bible for Children, Inc.

www.M1914.org

www.bibleforchildren.org

